

華
甲
壽
言

92(N144)

N144



國立臺灣大學圖書館典藏
由國家圖書館數位化



大正丙寅年

華甲壽言

寶許盦刊



糜俸成均恩澤深叨將名姓列儒林抱
殘未悔謀生拙獻賦何須拚死吟不
疾暮年觀幻影論交中外感知音
近來切動買山興箕穎風懷吾久
欽
解紛少慕魯連賢空藉煙霞樂暮

年俠士前塵殘夢淡
狂生結習放言
顛睛耕擬校牡丹譜
夜課宜繙貝
葉編舊藁理來頻
檢點集中怕
有箭書傳

華甲自述二首用趙次珊大帥見贈
詩韵
內藤虎



成	正	鄭	教	狂	毓
甲	壯	僑	識	草	秀
子	金	吳	元	詩	扶
編	臺	札	音	學	桑
喜	重	結	共	香	日
繼	見	隣	敦	山	照
鶴	鬢	賢	君	發	深
翁	俱	氣	子	醉	東
徵	顛	誼	多	吟	方
壽	觀	相	聞	唐	耆
集	空	知	雅	古	德
九	忘	近	籍	忒	舊
州	過	廿	甚	文	儒
霞	庚	年	瀛	明	林
錦	申	鐵	邦	秘	書
並	劫	嶺	象	篆	摹
留	卻	初	所	烏	懷
傳	老	逢	欽	斯	素
	看	顏	藏	工	

內籐虎次郎仁兄有道六十介壽

愚弟元補趙爾巽拜祝

丙寅八月
十有三



詞館論才比華嵩著書白首可虛同幾
曾家學私塘址遠壽聲聞到海東

暮鏡竹汀宮詹小象并綴一詩為
內藤虎先生六十壽丙寅二月傳增潤書長春宣



內藤湖南先生六十壽序

昔孔子刪虞夏商周之書定爲尙書本周禮因魯史以修春秋則皆史而進於經蓋上世史與經合珥筆體法靡有所分也漢司馬氏作史記紀傳以統君臣書表以譜年爵實爲史體正宗然疏通知遠屬辭比事尤非其所致意故視經嚴旣弗如矣班范而下遞相祖述純以龍門爲鵠則亦於尼丘法無取焉史乃退於經矣夫史者經之案也經不得史無以證其褒貶經者史之律也史不得經無以酌其輕重則史未始不與經會通於古今得失之林者豈其進退所能繫哉然今之治史者蔽於其己非經而自與經

絕不挹而注不參而互脫令證褒貶酌輕重焉將逡巡而自謝不暇也古人有言迎之以隙開待之以懸遇內藤湖南先生閱識孤懷其學能特得於此者也然世止知其老於史而不知復老於經蓋治史者不知史與經體法雖分猶能沆瀣一氣也則世安知既能老於史當復老於經耶往歲先生嘗論易象象亡經義者爻辭於古無有者序卦言卦義與說卦雜卦不類者一切鉤抉而考覈竝爲卦初不必六十四爻亦五六不齊筮宿由卜來說以爲十翼率有秦漢人作乃著易疑數篇以前儒所未牘道居多名以疑意其自異爾先生之於經可謂亦老矣今年爲先生六

十初度朋好門生胥謀論次其素所述作且圖其肖像將以頒海內外知交源六服役殊邦弗克躋堂稱觴樂爲先生壽因質言經史同源之義惟先生幸存之而卽以爲頌祝望外之喜也昔者曾南豐師事歐陽廬陵廬陵嘗爲譔其先大父墓誌銘輒謝曰鞏之感與報宜若何而圖源六未及先生門而向者觀文數篇謬貶寵薦其感與報以視南豐當有加也近數十年來我國經史之學日就榛蕪若源六之駭亦深用慨歎卽欲挽而回頽勢恨才力綿薄靡由負荷常自警以競競弗墜所業後有力者起俾繼而振作焉是則所以報先生於萬一也與

大正丙寅五月大隅岡山源六子本甫撰於盛京息抱齋

內藤湖南先生六十一壽序

壽詞豈易言哉古之賀壽者三曰壽而康曰壽而事功顯
赫曰壽而學益進業益盛是也若夫身羸而徒壽身雖健
無事功者何足以賀哉如吾內藤湖南先生則壽而學益
進業益盛海內仰以爲師宗况於往歲罹疾殆死復生乎
是壽詞之易言而賀者亦與有榮焉先生天資俊異書無
不窺物無不格久垂帷大學著書等身洛陽紙價爲昂屢
遊禹域彼地名流皆心折焉其講學之餘能鑿書畫又能
訪古探究自鼎彝壺尊敦卣鬲甗以至經鍾磬磬鉦鐸鈔
甬之屬皆無不精究又通古鏡璽印文書畫器玩一經先

生鑑識市價乃定嘻先生講學之博鑑古之精豈減古歐
趙之倫哉雖然是於先生緒餘耳其大於此者世皆知之
何待余贅今茲先生壽躋華甲余辱先生之知二十年矣
豈可無一言以壽之蓋先生之友若粵山衣洲西邨碩園
余亦皆締交有年二老亦屢遊禹域其學其業皆與先生
同趨嚮惜哉皆先而歿余嘗壽衣洲華甲有序又將壽碩
園而終不逮焉今獲壽先生二老亦應含笑地下而余之
榮可知也先生身益健其超耄至耄可期而待是藝園之
幸也夫是天下之幸也夫

置鹽維裕

內藤湖南先生六十一壽序

大正十有五年 月 日卽湖南先生誕辰六十周而花
甲復始矣凡海內士君子之爲吾先生知舊門徒者皆爲
文而壽焉余以不敏猥忝汲引之列義固不可以不壽之
也况君山學士爲致先生之命焉余尤不敢後於人也顧
雖久病沉綿而猶自力爲文矣然竊惟先生門墻如海譽
髦如林凡所以爲先生壽焉者固無所不用其心也而余
以眇然晚進學旣不足以知言言亦不足以成章也則其
藉手以壽夫先生者亦不越乎盡其愚魯之摯情以祝無
疆之福而已是可愧也始余因君山學士得聞先生獨倡

六經皆史之義矣及拜先生寄余書縱論唐宋之際推劉子玄鄭夾漈爲第一而先生斷之曰劉拘於迹鄭不慎於斷復繹之曰惟清儒章學誠爲一代絕學雖其本國學者知喜其書而能通其義者蓋鮮矣先生又慨然曰吾倡章氏學於我邦垂廿年能和之者僅二三子乃進不佞而勵之曰足下奮斯學則真有空谷登音之思惟足下勉之此皆余曾蒙不貲之至惠於先生而期期乎奉繹也然自以未供洒掃於門屏而得聆警咳爲恨也適值勅頒朝鮮史會官制之日而先生以顧問臨焉乃駐臬比于漢陽之天真樓中余因得窺其光輝動人而足以見德盛禮恭能

孚于物也噫君子之至是邦也余未嘗不得見矣然其誠心款款藹乎可掬而其言簡其儀和其氣象樂易人自愛而自親者惟先生爲盛也且余未嫺國語相對噤嘿啞然可笑而先生卽欣然起身抽筆札爲講貫窮晝夜不少疲其披心虛懷之發爲言語而真正開導之意洋溢乎字句之表余於是悅服無斃而仍竊覲先生之學得之至敏而蓄之積累故發之甚慎若使千鈞之弩觸處深入而穿穴說出渾渾無鑿痕綜核名物揚挖今古而又未嘗毫髮差於權衡故其言明白亭當絕無爭氣勝人之弊以余觀於仁齋蘿山未必遠過先生而若其倡起文史之義聳動一

時則仁齋蘿山恐不能不讓得一頭地耳此余所嘗蠡測
而管窺者也故今者之壽先生亦有以異乎人也雖雲海
阻絕未列賀席而盈尺蕪言爲瀝出愚魯之摯誠則庶幾
侑壽斝之歡也是爲序

兼山學人洪熹

內藤先生大鑒久疏賤敬恒切馳思昨奉 貴國京都帝
國大學文學部陳列館寄到公啓知以明歲降辰之紀欣
逢大年周甲之期業在名山望崇瀛海友人門下擬梓文
章以壽世並摸圖畫以傳真同詠霓仙洵爲盛事元濟風
前引領忭幸莫名猥承雅契之相聞願附華封而申祝謹
陳寸簡遙慶遐齡伏維哂譽並頌曼祺百益


張元濟頓首

乙丑六月
廿八日

湖南教授周甲次其自述詩韻以贈時教授將告休
討源學海百川深儒雅風流重士林賈誼文章經國筆杜
陵詩史濟時吟世求利器軒轅佐自動遐心金玉音久播
聲名傳海外新篇每出遠朋欽

五經博士漢時賢正是公孫徵辟年味至道腴兼衆妙尊
爲人瑞在華顛菟裘未可隱蘿薜鄴架從來擁簡編撐拄
乾坤憑學術微言遺緒得無傳

長尾甲



西山之郊多竹實花葉粲粲映天日側見叢生老梧桐飛
來鳳皇自輿東將雛引禽朝又暮羽翼各成凌煙霧吾聞
鳳皇帝者瑞治定化成始時至固宜巢阿向玉堂鳴球擊
石舞洋洋不然林藪長相親結伴騶虞與麒麟蓬瀛清波
崑圃艸乘霞翱翔萬里春

賦鳳皇吟一篇奉賀內藤湖南大司成華甲壽

鈴木虎雄



內藤先生慶甲謹呈一詩仰祝微忱

天開壽域曜扶桑玉燭春臺寶籙長富嶽鍾靈生俊傑文
星孕秀誕賢良人資正學規模整國賴大儒教化昌並祝
茲辰恒若日萬年斯道共明光

劉猛

